

1348

澁溪居士集

經漢居士集

二

謄錄監生臣董誠

詳校官庶吉士臣瑚圖禮

侍讀臣孫球覆勘

欽定四庫全書

槲溪居士集卷三

宋 劉才邵 撰

今體詩

瀘溪春日

風暖鶯離谷花繁蝶倦飛
林塘供勝賞雲日弄晴暉
古郡荒城在芳郊遊騎歸
閒來推物理痛飲未為非

春日郊居四首

地僻春還到門閒性自便
風回香縷轉日透隙光圓
曲

沿波初凸繁
花曉欲薦誰能學工部
直得為春顛
殘花啼曉露
落絮泊池荷
帶藥蜂鬚重
窺簾燕語多
桑肥蠶趁暖
雨飽麥連坡
帝力知難報
閒聽擊壤歌

散策啟柴關
春光滿望間
長烟連遠碧
矮笋出新斑
倦蝶飛還歇
啼鶯意自閒
晚雲將小雨
容易暗前山

春事遽如許
登臨聊杖藜
遊絲斜帶日
細草未霑泥
風軟花香熟
烟酣柳色迷
慙慙囑鶻鳩
芳卉正萋萋

中秋

陰晴無遠近，獨有此宵看。
寫盡山河影，想添蟾兔寒。
清輝分玉露，斜漢泛冰盤。
上到高圓處，亭亭輪更安。

遊山寺詩

岡巒圍古剎，松桂發幽香。
斜日烟姿薄，空庭花影長。
尋雲穿薜徑，汲水動溪光。
好就山房宿，閒聽鐘殷牀。

次韻王民瞻題慧門院二首

亂後身重到，醉中禪暫逃。
蓮關無泣象，鷲嶺不傾黿。

原注

文選賦云黿雖仆而不傾

井邑劫灰在，霜林秋氣高。
更須資法雨，一

為洗弓刀

亂兵如穴蟻攘攘欲何逃肆毒空搖蠆支傾已斷鼇上

方塵不染北極勢元高佩犢知難久紛紛已賣刀

原注近聞

諸處冠盜悉受招安故有是句

蘇文饒往昌國意頗憚之送以詩因勉之

已聞舟楫具那得苦留君雨過霜風急帆飛雪浪分長
途方策足暇日正論文功業他年事風波豈足云

遊香山寶應寺恭覲仁宗皇帝御書發願文

龜洛隆周德龍門賴禹功天開形勝地雲捧法王宮繡
拱聯霞綺蚪簷壓霽虹山河紛湊泊星斗映穹崇金界
琅函秘奎文筆勢雄獨高今古外何止帝王中恭想重
熙旦追還太古風開懷容直論崇儉自清躬俗厚刑幾
措時和歲屢豐湛恩漸動植大度納華戎致治臻無事
持盈愈若冲皇居多暇日宸翰寫深衷誓保基圖永期
躋壽域同含生蒙願力流澤浩無窮

賦得登瀛洲

天策開王府仙才聚國英禮優初闢館衆羨號登瀛凡
骨難飛步神仙遂擬名冠黿堪比峻馭鶴想同輕銀闕
誰云遠金臺愧未清收功歸正觀文治播休聲

賦得春色滿皇州

春光何處盛先滿帝皇州日近恩輝動天低淑氣浮繁
花迷綵仗弱柳媚芳溝風軟塵難動烟酣翠欲流驩聲
連綺陌仙吹咽瓊樓願遂觀光志曲江追勝遊

賦得秋風生桂枝

金飈隨素律丹桂吐幽姿潛動驚秋意生從傲雪枝高
應翻月窟清已徹天涯雖效紛披態終無搖落悲低嫌
蘋末起涼異棘心吹幸有乘風興高攀自不遲

賦得鮮雲垂薄陰

輕雲初出岫散漫本無心
鄣日呈鮮彩垂天結薄陰
浮空誠可玩著地影非深
籠水難藏渚依山豈暗林
誰言聊晦靄遠勢已侵尋
不羨西郊密終期為作霖

次韻朱希真送李仲輔使浙東

詔遣皇華使恩殊白首郎越城膺重寄雲路佇高翔金

節丹楓外星軺碧海傍溪山動詩興藻火粲篇章暫對

青藜杖

原注仲輔新除直秘閣

徐驅白鳳凰

原注事見北夢瑣言

平反有餘

暇霜橘薦瑤觴

賦得蛟龍得雲雨

賢能攄逸志振迹比蛟龍雲雨時方得烟霄路自逢濯

鱗霑帝澤擁足脫塵蹤物外將輕矯池中豈解容依乘

應有待際會合相從寄語懷才者明時好奮庸

贈端上人

原注端
善鼓琴

傳得無聲曲有時彈向人雪峯年老大風穴語尖新
吼月泥牛困抽條石笋春衣珠猶不重豈更覺身貧

挽江司戶詞

原注民表之弟公家俱好禪學
多坐化者賢弟少卿為求此

場屋聲名舊林泉興味長青衫歸里閑白首傲羲皇
鶴靜終輕矯蘭銷委暗芳遙憐高遯處庭宇日荒涼

早歲識真際前身疑淨名窮通百年內生死一銖輕
成佛無先後同參有弟兄悲傷隨世諦益見在原情

挽戴彥誠通判三首

初闢橋門日英髦喜彙征奇文逢藻鑒時輩仰高名仕
路因騰踏聲華久隱匄方觀終遠業埋玉恨難平

庠序親餘論京華獲並遊艱危心有託感激義無酬豈
謂音容隔頻驚歲月流今來拜遺像淚雨不能收

賈鵬由來忌應曾為廢書始終歸有數善慶豈無餘賢
嗣真蘭玉令名驚里閭他年定通顯躍馬從金輿

次韻元日會飲

不將簾幕挂簷脣欲聽飛雲點繡茵門外湖山元早白
醉中笑語不嫌真爐烟盡日飄香霧茗盞侵湯攪玉塵
莫怪更深寒力減瑤墀今日布王春

謝人惠花栽以龍涎及小團答之

應憐小圃少花看分惠靈苗四五般多謝高情無所吝
欲將俗物報應難鯨波薦液香難比龍焙先春玉作團
寄與文房助清興詩魂莫怕月邊寒

江閣夜坐

原注王自
然所居

迢迢小閣倚雲端
高處懸知境界寬
共向城頭聊放目
却驚沙觜減奔湍
蒼烟闕處江山遠
白月滿空星斗寒
炯炯此心誰會得
從公清坐到更闌

閒雲收盡露乾端
垂地漫漫碧玉寬
小海無人續遺唱
斜河挂影作飛湍
水仙環佩歸何處
天闕樓臺似更寒
知欲乘風叩閭闔
如公應入不為闌

原注律有闌
入宮殿門

愚堂為歐陽炳文作

高懷從昔厭雄夸
宴坐虛堂玩物華
清簟疎簾無俗客

澆花洗竹當生涯風驚萬木誰家曲雲擁千峰盡目衙
莫信韜光得深隱鶴書終恐到君家

次韻李彥淵遊竹閣奉呈望之

春餘景物尚芳華寫景詞工語不夸綺饌玉樽筵秩秩
碧梧翠竹影斜斜湖山風月須頻賞南北車書已一家
回首都人候清蹕遙知紫禁繞烟花

原注是時
復河南也

同張敏叔登望闕臺

曉陟高臺望紫宸愛君心切素忘身堯天日遠迷西極